

ارفع غماك يا تور وارفض تلف... واكسر تروس الساقية

## صلاح جاهين...

وللمِرآة رأي آخر/ بقلم....

إيمان عبدالله عبد الحميد

# الفصل الأول

## الساعة تدق الأن الحادية عشرة مساءً ليوم الخميس...

يَعُج الفرح في ذلك المنزل، وها هي الأضواء مُعلقة على جدران المنزل من الخارج، وسط التهاني وتوزيع الابتسامات على الحضور تقف مدام عنايات أم العروس نُهى، تُحاول إخفاء حُزنها على تلك الزيجة التي أصرت ابنتها عليها بالزواج من زميلها تامر الذي يسبقها في السنة الاخيرة في كلية الإعلام.

### الساعة تدق الأن العاشرة مساءً...

تنظر رحاب خالة العروس الأختها عنايات وقالت وهي تُبسط كفيها: إيه حكاية الساعات بتاعتكم الفترة دي! حتى يوم الخطوبة كلهم كانوا ماشين بطريقة غريبة؟

شكلهم عايزين يترموا، ده الساعة لسه إثنين الضهر، وورانا شغل كتير اصبري يا ساعة مستعجله على ايه ياختي.

#### الساعة تدق الان التاسعة مساعً

في الغرفة المجاورة للصالة تجلس العروس النحيلة ذات البشرة الخمرية والعيون السوداء وهي تضع الماسكات من ضمن الكثير من التجهيزات قبل وضع مساحيق التجميل وارتداء فستان زفافها ذلك الفستان التي اختارته قصير من الأمام وطويل من الخلف ذو اللون العاجي قبل أن يحضر عريسها في السادسة مساءً، وسط صديقاتها المقربين من الجامعة وهم ينهالون عليها بالمباركات.

تقول نُهى بعصبية وهي تُمسك الهاتف:

يوه تليفون تامر لسه مقفول من الصبح أنا بدأت أتعصب الساعة تلاتة دلوقتي...

جربي كدة يا نشوى تتصلي بحسين خطيبك مش هو هيروح معاه صالون الحلاقة؟

قالت نشوى باضطراب بعدما أنهت المكالمة السريعة مع حسين وهي تبتلع ريقها:

حسين ميعرفش حاجة عن تامر من امبارح، كان أخر اتفاق بينهم انهم هينزلوا الصالون الساعة إثنين، ومن الصبح بيتصل محدش بيرد حتى في البيت؛ بس ما تقلقيش هو تحت العمارة عنده وبيقول شبابيك الشقة مفتوحة هيطلع ويطمنا...

### الساعة تدق الثامنة مساءً ...

حاولت نُهى السيطرة على قلقها فالساعة أصبحت الرابعة.

ولكن بعد مكالمة حسين لنشوى الأن فقد أخبارها انه لم يفتح احداً الباب ولم يجيبه تامر.

بدأت تجوب الغرفة ذهابا وإيابا بعصبية، ينبح كلبها الصغير وهو يقف بجوار المِرآة تقول له بحنان وهي تلاعبه وتحاول أن تخرج من حالة التوتر:

متقلقش يا روكي أنا كويسة، أكيد هيجي، تلاقيه بس بيشوف غلاوته عندي.. هبقى اجي أزورك كل يوم، أنت عارف انا

بحبك ومتعلقة بيك من يوم ما أخدتك من أهل مريم بالعافية قلت اهي

حاجه تفكرني بيها، كانت الضلع الأساسي في المثلث بتعانا أنا وهي ونشوى، أنا عارفة إنك مبتحبش تامر ولا تامر بيحبك، وكنت بضطر أحبسك في الاوضه لحد ما كان بيمشي، متز علش مني يا روكي؛ كنت بحاول أرضيه.

ثم سمعت طرقات على باب الغرفة طلبت من ابنة خالتها سمر ان تفتح الباب ولكنها لم تجد أحداً، فجلست تُطمئن نُهى أن كل شيء سيكون على ما يرام، وأحضرت لها كوب من عصير الليمون المثلج لكي يهدئ من قلقها.

مرة أخرى تسمع طرقات على باب الغرفة فتطلب منهم أن يفتح أحداً الباب، ولكن نشوى لم تجد أحد وقالت لها وهي تبتسم: الأطفال أحباب الله تلاقيهم بيلعبوا وزهقوا بس، يا ختاي طنط عنايات بتنادي عليا بره، يا نهار أبيض أقولها إيه أكيد هتسألني على التوتر والقلق اللي باين علينا؟

بس متخفیش هسیطر علی الموقف بعون الله.

## الساعة تدق الان السابعة مساءً...

ينقطع التيار الكهربائي داخل المنزل في الخامسة عصراً انطفئت المناءات الفرح والمكيفات، فيهرع أغلب المدعوين إلى أسفل المنزل يقفون في الهواء الطلق، من بينهم صديقات نُهى فقد وعدتهم أنها سوف تلحق بهم بعد أن تُصلي العصر، يدور روكي في الغرفة وينبح بصوت عالى تنظر له مستغربة ما يفعله ذلك اليوم...

تدخل والدتها لتطمئن عليها، فتبلغها نُهى ان كل شيء على ما يرام، فتطبع قبله دافئة على جبينها، وتحثها على اللحاق بهم في الأسفل عقب انتهائها من صلاتها.

وقفت مصلية تُناجي ربها، لا تدري ماذا تقول لم تعتاد الدعاء والصلاة لربها ولكن ذلك المأزق أشعرها بضرورة اللجوء الى الله والدعاء، كانت تفكر قبل الصلاة هل سيأتي تامر بعد مشاجرتهم بالأمس؟ هل كان عليها الاعتذار كعادتها عما تفعل ولم تفعل! وخر الدمع من عينيها وقالت:

يارب أنا أسفه عارفة إني مقصرة في حقك كثير، خليك جمبي إنهاردة...

#### الساعة تدق الأن السادسة مساعً.

تنظر في ساعة هاتفها فتجدها السادسة، تتجهز للحاق بهم،

فتسمع صوت طرقات على باب غرفتها تزامناً مع نباح روكي، ولكن وهي مارة بجوار مِرآتها لاحظت شيء بداخلها يشير لها والطرقات على باب الغرفة في تزايد، مع انقطاع التيار الكهربائي كانت الرؤيا غير واضحة فالساعة الآن السادسة وقد حل الغُروب، أصبحت مشتتة من يطرق الباب بتلك الطريقة، وما ذلك الشيء الظاهر بالمِرآة، انفتح باب الغرفة بعنف شديد، أصيبت بالخوف، وسمعت أحداً ينادي عليها في تلك اللحظة وكلما اقتربت من المرآة اقترب الصوت وأصبحت الرؤيا أوضح.

جمدت الدهشة عقلها وحركتها، وتسارعت نبضات قلبها؛ وأغشى عليها في الحال.

تستفيق نُهى على صوتاً ينادي باسمها، تنظر حوالها فتجد في المِرآة فتاة، لا يزيد عمرها عن عشرين عاما مرتدية فستان زفاف، ولكنه ملطخ بالدماء وهي في حالة صحية مزرية ووجهها به جروح كثيرة ولكنه شاحباً لدرجه مُخيفة.

شهقت نُهى بصوت مسموع، وحاولت كتم فمها بكفها، فقالت لها تلك الفتاة بابتسامه حزينة وهي تعقد ذراعيها:

متخفیش یا نُهی أنا مش هأذیکی أنت ضحیة زی، بس أنتِ ربنا بیحبك أنا جیت أنقذك قبل ما یكون مصیرك زی مصیری ده.

#### الساعة تدق الان السابعة مساءً...

أخذت نُهى نفسا عميقا وقالت بصوت مرتعش:

انتِ مين وعايزة مني إيه!!!

صارت صوت الفتاة أكثر حزماً وهي تقول:

أنا جاية أحذرك وأقولك إن تامر قاتل...

قالتها واختفت من المِرآة..

ما سمعته ورأته استولى على عقلها، يا إلهي من تلك الفتاة، ولماذا تقول كلمة قاتل بعد اسم تامر. ثم سقطت مغشي عليها مرة أخرى

\*\*\*\*\*\*\*\*\*\*

### الفصل الثاني

تعود الكهرباء وتصعد مدام عنايات ومن معها إلى المنزل، وتدخل غرفة فهى للاطمئنان عليها؛ لماذا لم تنزل لتتفاجأ بأنها ملقاة على الأرض، تصرخ وتجري عليها فيأتي من في الصالة مسرعا، تحاول إفاقتها وترش خالتها رحاب عليها الماء، بينما تُخرج نشوى صديقتها العِطر من حقيبتها لتجعلها تشتمه لعلها تستفيق، يَحملاها ويضعاها فوق سريرها.

\*\*\*\*\*

تقف نُهى مذهولة وهي تصرخ وتُنادي عليهم وهم لا يسمعونها، تنظر اليهم بهلع والخوف والدمع يملئ عينيها.

ماما أنا هنا؛ يا ماما أنت مش شيفاني و لا ايه!

نشوى مش سمعانى ليه؟

جلست وافترشت الأرض وانهمرت دموعها لأنها أدركت أنها بداخل تلك المِرآة وهم لا يشعرون بها، ولكن كيف حدث ذلك ومن تلك التي بسريرها، وكيف ستخرج من هُنا، أحست بالهلع والوحدة، ظلت تصرخ وتطرق على المِرآة بفزع، وروكي يقف بجوار المِرآة ينبح بأعلى صوت.

\*\*\*\*\*

يُنهي الطبيب الكشف على نُهى ويسألهم في حيرة:

هي اتعرضت لأي صدمة أو خبر وحش!! واضح إنها دخلت في غيبوبة.

تحكي نشوى من بين دموعها وبصوت واطي متقطع:

من الصبح واحنا بنتصل بتامر يا طنط ومش عارفين نوصله حتى حسين خطيبي راحله البيت وفضل يخبط مفتحش ومش عارفين في ايه؟

المشكلة ان حسين قالي من شوية انه كان سهران مع تامر امبارح لأنه كان متخانق خناقة جامدة مع نُهى وكان طول الليل معاه بيحاول يهديه شوية ويصلح بينهم وسابه وكان هدي خلاص واتفقوا يروحوا الصالون سوا إنهاردة العصر.

انتحبت مدام عنايات وهي تجاور جسد ابنتها المُسجى على السرير بلا حراك:

يا عيني عليكِ يا بنتي ياما حذرتك من الزفت ده وانتِ نشفتي دماغك ومسمعتيش كلامي أهو خلع وسابك ليلة فرحك، كسرك وانت رقيقة مستحملتيش الصدمة، حسبي الله ونعم الوكيل فيه، ربنا يشيل عنك الغمه دي على خير يارب.

شعرت بالضعف والعجز وهي التي كانت دائما ذات شخصية يهابها الجميع ويخاف منها موظفيها في مطار القاهرة الدولي، ها قد اختبرت في نقطة ضعفها ابنتها الوحيدة التي تولت تربيتها منذ وفاة زوجها منذ خمسة عشرة عاماً، كانت أبً ونسيت انها في الأساس امً، كانت رجلاً ونسيت انها أمرأة، نظرت اليها وقالت لها:

انا اسفة يا نُهى إني كنت قاسية عليكي أغلب الوقت كنت من خوفي عليكي بقسى عليكي يمكن انا السبب في اللي انت فيه دلوقتي لما ملقتيش مني أي حنان وحب، دورتي عليهم برة ومهتمتيش اللي بيقدمه ده صادق ويستاهلك ولا لاء!

المهم إنك تثبتيلي ان حد بيحبك أكتر مني وإنك كبرتي وخلاص، انا اللي وصلتك للي انت فيه ده يا بنتي أنا اسفة.

ظلت تبكي بحرقة وتستغفر ربها واختها بجوارها تُربت على كتِفها وتبكي هي الأخرى على حال أختها وابنة أختها.

أحست أن روحها انتُزعت من جسدها وهي تشاهد والدتها في تلك الحالة صاحت وقالت:

ماما أنا آسفة، انا بحبك والله وعارفة انك بتحبني وكنت خايفة عليا بس ساعات كتير كنت فعلا بحتاجك كأم مش أب انا اللي اسفه، انا عارفة على طول ان انتِ صح..

. قالتها نُهى من داخل المِرآة وهي تبكي بشجن مرتفع، وكأن صخرة ثقيلة تسحق صدرها، تأكدت انه لا يشعر بها أحداً في المِرآة، ولكن نباح روكي بجوار المِرآة احسسها انه يشعر بوجودها.

جلست على ركبتيها ونظرت له وقالت بحزن:

روكي انت شايفني او حاسس بيا صح!!

يعني انا عايشة مامتش أنت الوحيد اللي كنت بتحس بيا وكنت بقدر اعيط قصادك من اللي كان بيعمله فيا تامر وأشكيلك منه، بس أنا قسيت

عليك كتير، لما كنت بقوم بليل على صوت خبط في الأوضه وافتكر أنك انت اللي بتعمل الدوشة واعاقبك، كنت بحس بإحساس غريب وأفضل صاحية فاتحه النور وخايفة، وساعات كنت بسمع حد بينادي عليا بليل، كنت خايفة أقول لحد محدش كان هيصدقني، يارتني جربت احكيلهم على حاجات كتير قوي في حياتي يارتني كنت مصاحبه امي، حتى نشوى طول عمري أنا اللي بسمعها عمري ما اشتكتلها من تامر وياما كانت تقلى انت ازاي سكتاله و هو بيكلمك بالأسلوب ده كدة قصادنا، واقولها بحبه ومش شايفه حاجه غلط في اللي بيعمله معايا، ياما قالتلي هتخسري نفسك لو فضلتى كدة، يارتنى سمعت كلامها يمكن مكنش كل ده جرالي.

تمسح دموعها وتستدير فتجد انها بداخل شقة تعرفها جيدا ولكن كيف حدث ذلك، تمشي بتمهل وهي تسمع أصوات قادمة من

غرفة النوم الرئيسية، وضربات قلبها تتسارع.

\*\*\*\*\*

يقف روكي بجوار المِرآة في الغرفة ينبح وسط بكاء أهل وأصدقاء نُهى على حالها، فلقد انصرف المدعوين الأغراب وبقي المحبين ما بين مُصلي وداعي بالشفاء لها.

\*\*\*\*\*

استجمعت قواها وظلت تأخذ شهيقا وزفيرا سريعاً من فمها وأغمضت عينيها وقررت ان تفتح الباب، لتجد أمامها ما ألجمها فانتفض جسدها كمن مسته شحنة كهربائية.

......

## الفصل الثالث

## الساعة تدق الان الثامنة صباحا ليوم الأحد...

تستفيق نُهى لتجد نفسها وسط والدتها وخالتها ونشوى، تنظر لهم وتبتسم ابتسامه خافته، فتطلق الخالة رحاب زغروطة مُدوية فرحاً باستيقاظها بعد يومين من دخولها في الغيبوبة.

ارتسمت علامات الفرح والسعادة البالغة على وجه والدتها التي حمدت الله وسجدت شاكرة له وقالت:

حمدالله على سلامتك يا حبيبتي وحشتني، كدة تخضينا عليكي، البيه لما ظهر وعرف قالي أتصل بيه لو جد جديد في حالتك.

رفعت نُهى وجهها وملامح الدهشة على محياها وأمسكت

رأسها التي كانت تؤلمها:

هو البيه ظهر!!!!

متتصلیش بیه یا ماما أنا مش قادرة ومحتاجة أستریح.

حاسة بإيه يا قلبي، حاجة وجعاكي اتصل بالدكتور? قالتها والدتها وهي تبكي وتمسح الدموع بكفها.

شعرت نُهى بالدموع تخنقها إلا انها لم تُظهر ذلك وهمست: مفيش يا ماما حاسة ان راسي وجعاني شوية، وجعانة ايه مش هتأكلوني ولا ايه؛ قالتها لتخفف عن والدتها القلق وهي تحاول استعادة ذاكرتها قليلا.

### الساعة تدق الان التاسعة صباحاً..

أخيراً ساعات بيتكم اتظبطت إنهاردة.. قالتها الخالة رحاب وهي تمسك صنية الشاي وتدخل الغرفة مع اختها التي أحضرت صينية مليئة بالطعام الشهي، وجلست فوق السرير تضع الطعام في فم نُهى مثل الأطفال، وهي تحاول ان تبلع قبل ان تضع أمها الطعام مرة اخرى في فمها، فقالت بفم ملئ بالطعام:

براحة يا ماما انتِ هتعوضيني أكل اليومين في وجبة واحدة و لا ايه! تضحك والدتها وهي تقول:

الليلة عيد يا حبيبتي إنك فُقْتلنا بالسلامة.

يدخل تامر عليهم الغرفة وهو في كامل اناقته وشعره مصفف بعناية ورائحة العطر تملئ المكان، فتتوقف نُهى عن مضغ الطعام وتحاول

ابتلاعه بصعوبة، تعطيها نشوى كوب ماء لتشربه، وهي تقول لها: تلاقي حسين لما بلغته انك فقتي قاله.

حاولت ان تُبعد ناظريها عنه ولكن أوقفتها تلك الضمادة التي على رأسه، وأصابتها بالذهول.

قال لها معتذرا عن اختفائه ليلة الزفاف:

حمدالله على سلامتك يا حبيبتي، أنا جاي اعتذر لك عن اللي حصل بس أنا معرفش لحد دلوقتي ايه بالضبط اللي حصلي، انا كنت في شقتنا يوم الحنة وبحط لبسي في الدولاب وفجأة محستش بنفسي؛ شفتي حبنا وصل لفين، دخلنا في غيبوبة سوا.

تتنحنح والدتها ثم تطلب منه له أن يتركها تستريح فهي لم تستعد عافيتها بعد، وأن يأتي لها مرة أخرى، ظلت نُهى صامتة، ففهم أن

عليه الايزعجها الان.

خرجت والدتها لإيصاله الى الباب.

احتاجت نُهى أن تعرف ما تلك الضمادة التي على رأسه وما حدث له... وطلبت من نشوى ان تحكي لها بالتفصيل ما حدث لتامر، والخوف في عينيها وصوتها ولكنها كانت في حاجة الى ان تعرف كل شيء.

جلست نشوى فوق السرير مربعة رجليها وقالت:

صل على النبي يا ستي ... (عليه الصلاة والسلام)

تامر يوم الحنة بليل راح الشقة زي ما قالك بس مطلعش منها

غير بعد معاد الفرح بيوم، حسين فكر يدور عليه في شقة فرحكم، خبط كتير ولما حس ان الانوار مفتوحة وفي صوت

تليفزيون كلمني وبعتله مفتاحك ولما دخل لقى تامر في الاوضه وراسه فيها جرح كبير وغايب عن الوعي.

صاحت نُهي مرتعبة

فتوقفت نشوى عن الكلام، ولكن أومأت لها نُهى رأسها في شرود ان تكمل.

حَكت نشوى رأسها وهي تمط شفتيها وتقول:

حاضر هكمل، حسين فوقه ونقله المستشفى علق محاليل وخيط

الجرح ومش فاكر ايه اللي حصل نهائي ولا مين عمل فيه كده، خصوصا ان الشقة الحمد لله متسرقش حاجة منها، بس تعرفي حكى لحسين حاجات غريبه.

ارتعشت نُهي بخوف وقالت:

زي ايه!

فأكملت نشوى ما كانت تقصمه عليها وقالت:

ساعات البيت كلها تخيلي كان فيها حاجه غريبة اليوم ده زي متكون معكوسة في مراية عارفة زي ساعات شقتكم هنا، وقاله الموبايل اخر حاجه شفها الساعة أربعة وبعدين حس بحاجة جامدة في راسه من ورا، الكارثة انه لما وقع بص وراه لمح صورتك وبعدين اغم عليه، عارفة يا نهى لولا ان انا وحسين كنا معاكي هنا في البيت في نفس التوقيت اعتقد كان ممكن يتهمك في المحضر بتاع المستشفى عادي، انتِ عارفه

انه ممكن يعملها، سوري يعني يا نُهى، انت عارفة رأي فيه.

على فكرة مامتك نبهت عليا مية مرة ان محكلكيش اي حاجة، عشان متقلقيش بس انتِ عارفاني مبعرفش اخبي عليكي حاجة.

نُهى انتِ كويسة، انتِ سرحانة وفيكي حاجة من وقت ما فُقتي، طمنيني عليكي.

تمسك رأسها وهي تقول:

مش عارفة يا نشوى حاسة راسي فيها وش جامد، واحداث كتير حاسة إني كنت بحارب مش في غيبوبة، انا متأكدة ان في حاجه حصلتلي وعايزة افتكر، بقولك إيه نادي عليهم.

تأتي والدتُها وخالتها، ثم تنهدت وقالت بقوة:

يا جماعة أنا أخدت قرار عايزاكم تبلغوا رسالة للناس، إني هأجل الفرح شوية على ما استرد صحتي أنا وتامر ونفوق شوية.

تقول لها والدتها وهي تربت على شعرها:

طبعا يا حبيبتي حقك، أنا كنت عايزة أقولك بردوا نفس الموضوع بسخفت لتزعلي مني.

ابتسمت وقالت لها بحب:

عمري ما أقدر أزعل منك يا ست الكل.

ثم طلبت منهم أن يتركوها لتنام قليلا.

أغمضت عينيها بشدة وهي تُخفي وجهها بكفيها لتنام.

ينبح روكي فرحاً ويدور في الغرفة، ولكنه لا يزال عندما يمر بجوار تلك المِرآة يزداد نباحه.

وضعت الغطاء على رأسها محاولة تذكر ما حدث في تلك الليلة، فرأسها كانت مُشوشة بشكل بالغ، أغمضت عينيها بقوة فبدأت تتضح لها الرؤية شيء فشيء.

تذكرت أنها رأت فتاة في المِرآة تحذرها من تامر، وأنها وجدت نفسها في تلك المِرآة بداخل شقة ذات أثاث قديم ومتهالك، وعندما فتحت باب الغرفة كانت مظلمة إلا من إضاءة خافتة استطاعت من خلالها ومن خلال صوت من بداخلها التعرف على هويتهم، لم يلاحظوا وجودها، كانت في دهشه بالغة عندما رأت شخص يمسك سكينا معدنيا ويطعن تلك الفتاة المسكينة التي رأتها في مِرآة غرفتها، وهي تنازع الموت حتى خارت

قواها ولفظت أنفاسها الأخيرة.

لم تتمالك نُهى أعصابها مما رأت، ولكنها تماسكت وأمسكت بزهرية الورد التي كانت بجوارها وأصابته في رأسه ثم أغشي عليها.

\*\*\*\*\*\*\*\*\*

## القصل الرابع

تستيقظ نُهى مساءً وتبلغ والدتها برغبتها في السفر الى الإسكندرية لقضاء بضعة أيام لتتحسن صحتها بعيداً عن الضجيج واي توتر، وعلى الفور تحزم حقيبتها وتقود سيارتها ومعها روكي الى شقتهم هُناك.

كان روكي يجلس بالمقعد الخلفي وكان نباحه يتعالى، لكنها لم تجرؤ على النظر لروكي في مرآة السيارة، وفضلت القيادة السريعة في صمت وعدم الإلتفاف له.

يذهب تامر الى شقة والدتها في الصباح يبحث عنها لأنها لا تُجيب على الهاتف، فتبلغه والدتها انها سافرت بضعة أيام للاستجمام وتركت هاتفها، وأنها تريد ان تؤجل الفرح لفترة بسيطة الى ان

تستقر حالتهم عقب تلك الغيبوبة، ولكنه كان في حالة غريبة ومرتبك ما أثار دهشتها وفضولها فسألته عن سبب تلك الحالة ليُجيبها على الفور أنه قلق على نُهى ليس أكثر ثم ينصرف دون أي كلمة وداع.

أغلقت الباب خلفه وهي تقول:

لا إله الا الله ماله الوادده، حاسة إنه مش مظبوط ربنا يسترها.

تذهب نُهى لشراء بعض احتياجاتها للمنزل صباحاً وتتصل بوالدتها للاطمئنان عليها من هاتف صاحب المحل لم تقل لها شيء عن زيارة تامر فَضلت ان تجعل إجازة ابنتها هادئة بلا ضغوط، تعود نُهى الى الشقة لتتناول الفطور هي وروكي، ثم تأخذ كوب الشاي

باللبن وتجلس في أحب الأماكن لها؛ في الشرفة المطلة على الشاطئ، تُحب أن تشاهد زُرقة البحر الواسع الذي يُشعرها بالحرية والصفاء، ومع انسدال خيوط الشمس الذهبية عليه تظهر مِرآته العاكسة؛ فما البحر الا مِرآة كبيرة تعكس ما بداخلنا، تفضل نُهى عدم الاقتراب من البحر والاكتفاء بمشاهدته من بعيد لأنها تعلم جيدا انه مثل الإنسان كلما تركت نفسك لتياره بدون مقاومة يمكن أن يسحبك في طريق اللا عودة ولكنها دائما ما كانت تتساءل من أشد غدراً البحر أم البشر؟

تمضي ثلاث ليالي سريعا استمتعت بهم بالتنزه مع روكي على الشاطئ عصراً ثم الذهاب للغذاء والعودة الى الشقة للاستمتاع بتلك الجلسة ومشاهدة البحر.

شعرت انها أصبحت في حال أفضل فقررت العودة الى القاهرة يجلس روكي في المقعد الخلفي هادئ مطيعاً، تنظر له في المِرآة وهي تبتسم وتقول له:

واضح ان أعصابك ارتاحت يا روكي اليومين دول.

تصل الى المنزل ولكنها تفاجأت عندما أخبرتها والدتها ان تامر تم القبض عليه أمس، ولا تعلم ما التهمة الموجهة اليه؟

تتصل على الفور بصديقه حسين لكي تعلم منه ما حدث فيقول لها انه في النيابة يحاول التحري ويبلغها انه تم القبض عليه عندما كان في مكان مهجور، ولكن ليس لديه أي معلومات حتى الان عن ملابسات الواقعة، ووعدها انه سوف يتصل بها عندما يصل لأي معلومة وألا تأتى فلن يُفيدها ذلك في شيء.

دخلت الي غرفتها ووقفت أمام مِرآتها، وضعت يدها على قلبها وقالت كل شيء سيكون على ما يرام بإذن الله، ثم وقفت تصلي الظهر فلقد بدأت تواظب على صلواتِها منذ ان استيقظت من تلك الغيبوبة.

يجلس تامر مع محاميه في مكتب المحقق منهار لا يعلم ما يفعل، ولكن من وراء افشاء ذلك السر ولماذا الان!! ومن الذي سرق ذلك الهاتف وحدثه منه، يحاول ان يجد المحامي أي بريق أمل في تلك القضية مما جعل تامر يبكي كثيرا وهو يحاول تذكر أي تفاصيل تساعده في الخروج من تلك الورطة فقرر أن يحكي للمحامى كل شىء.

\*\*\*\*\*\*\*

منذ خمسة أيام استيقظ تامر فجراً على صوت عدد من الرسائل المتتالية، فتح عينيه بتثاقل ليقرأ وأكمل نومة ولم يكترث من ارسلها.

في اليوم التالي اختار ان يسهر في مكان أشبه بالديسكو، كان يتراقص مع هذه تارة ومع تلك تارة أخرى الى ان جاءته رسالة من رقم يعلمه جيداً رقم لم يظهر على شاشة هاتفه منذ سنتين، رقم هو الوحيد الذي يعلم أين صاحبه وأين الهاتف ولكن كيف؟ فتحها سريعا كانت رسالة صوتية ولم يستطع السماع فذهب للخارج في الهدوء ليستطيع سماعها ولكنها كانت رسالة صوتيه فارغة مما جعل الخوف يتسرب بداخله بعدما حاول الاتصال بذلك الرقم الذي وجده مغلقاً.

قرر الانصراف فلقد فقد صوابه مما حدث، ركب سيارته متجهاً سريعا الى المنزل، اندفع يأكل السلالم في قفزات متتابعة، ظل يبحث عن ذلك الهاتف ساعات في كل مكان فلم يجده، جلس يلتقط أنفاسه ويحاول الاتصال على ذلك الرقم ولكنه تفاجأ برسالة أخرى من ذلك الرقم يقول له هل بحثت عن رسالة التهنئة بزفافك ولم تجدها هي ايضاً مثل الهاتف؟ نظر الى الهاتف وحاول تذكر ما هي تلك الرسالة ففتح الهاتف وظل يبحث فيه عنها وتذكر ان تلك الرسائل اتته فعلا في الأمس فجراً ولم يشاهد من ارسلها وقتها ولكنها اختفت الان...

قبل ان تذهب نُهى الى النوم قبلت والدتها وقالت لها في حنان: ادعيلي يا ماما ان ربنا يكتبلى الخير.

ذهبت الى غرفتها وسط دعاوى أمها المباركة.

\*\*\*\*\*\*\*\*

لم يستطع تامر النوم في تلك الليلة فلقد كان في حاله من الهلع الشديد من الذي يعبث معه منذ يومين، هو متأكد انه كان وحيدا، غلبه النوم وفي اليوم التالي كان مثل المجنون عندما أتته مكالمة من ذلك الرقم فتح على الفور وقال:

انت مين ولقيت الموبايل ده فين تعال قابلني و هديك اللي انت عايزة... الو...الو. ولكن انقطع الاتصال وأغُلق الهاتف مرة اخرى، مما اثار غضبة فركب سيارته مسرعا لا يعلم ما يفعل ذهب الى منزل نُهى فلم يجدها خاف ان من يعبث معه يتصل بها وتعلم شيء، ولكن اطمئن قلبه عندما علم انها تركت هاتفها

وسافرت، فأتته رسالة من ذلك الرقم بأن يقابله وأرسل له العنوان وما أن وصل حتى وجد نفسه في ذلك المكان المهجور الذي يعرفه جيدا لم يأت هنا منذ عامين، لم يجد احداً بانتظاره، فقام بالاتصال على الرقم ليتفاجأ بأن الصوت قادم من تلك الحفرة المردومة بالرمال.

عندما اقترب تامر من تلك الحفرة وهو مازال يسمع صوت الرنين يأتي من داخلها قرر ان يحفر ويخرجه، حفر بيديه الاثنين سريعا وهو ينظر حوله بخوف وما ان اتسعت تلك الحفرة حتى وجدها بملابسها المغطاة بالدماء نظر إليها بهلع أخذ الهاتف مسرعا والخوف يملئ عينيه؛ وحاول ان يغلق الحفرة مجددا ولكن تلك اليد من ذلك.

\*\*\*\*\*\*

## الفصل الخامس

تستيقظ نُهى على صوت نباح روكي المرتفع، صارت تعلم سببه، ولم تعد تعنفه على ذلك، ولم تعد تخاف تعتدل في جلستها فوق السرير وتقول وهى تنظر الى ذلك الركن:

صباح الخير يا حبي.

ثم تقف امام مِرآتها وتضع حجاباً فوق رأسها تشعر براحة غير عادية تلك هي المرة الأولى التي ترتدي فيها الحجاب تدخل عليها والدتها تبتسم وتقول لها بفرح.

مُبارك يا حبيبي زي القمر ربنا يثبتك ويعينك، عايزين ننزل نشتري شوية فساتين ولبس ينفع للحجاب، انا سعيدة بالتغير الجميل ده.

تجلس نُهى في مكتب النائب العام مع خطيبها تحاول أن تواسيه، ولكنه مازال لا يريد ان يقول لها عن سبب تواجده، ويطلب منها ان تسامحه مهما حدث مما زاد من قلقها، كانت في طريقها للخروج من المبنى وهي تتصل بالمحامي لتعرف ما هي تلك القضية المتهم بها تامر وماذا يخفي عنها? ولكن قابلت والد ووالدة مريم صديقتها اللذان كانا في حالة يرثى لها، كانت دائما على اتصال بهم وهم كانوا يتواصلون معها للاطمئنان على روكي، ولكنها في

فترة التجهيزات للزفاف لم يكن لديها متسع من الوقت للاتصال بهم، سألتهم في حيرة شديدة عن سبب تواجدهم في النيابة.

فأجابها والد مريم بحزن:

انتِ حقيقي متعرفيش احنا هنا عشان إيه يا بنتي!

هزت رأسها بالنفي بشدة، لكنهم تركوها واتجهوا الى الداخل كانوا في عجلة من أمرهم.

تقود نُهى سيارتها مسرعة، في داخلها الكثير من الأسئلة؛ تدخل الى غرفتها ترمي حقيبتها وتغلق عليها الباب تقترب منها شيء فشيء تنادي عليها وهي تعلم جيد هي وروكي انها تراهم وتسمعهم ولكن اين ذهبت الان؟؟

تستقبل مكالمة من حسين يطلب فيها ان يأتي لزيارتها الان فتسمح له؛ وعلى الفور يجلسان سويا ومعهم والدتها الذي أصر حسين ان تسمع ما سيقوله، ولكن قبل أن يبدأ تلقى مكالمة من نشوى وطلبت منه نُهى ان تُحدثها؛ فأخذت الهاتف منه تحدثها على انفراد

ولم تتأخر؛ فهي تريد أن تعلم ما يود أن يقوله فاعتذرت لنشوى، على اتفاق انها في انتظارها مساءً، وأغلقت سريعا المكالمة وعادت تجلس بجوار والدتها؛ بدأ يحاول التحدث اخذ عدة أنفاس متلاحقة وقال ما لديه دفعة واحدة وانصرف، ليتركهم في حالة من الصدمة. ظلت صامته بضع دقائق ثم نظرت الى والدتها وأخذت نفسا عميقا وأخرجته بقوه وقالت:

إيه رأيك يا ست الكل لما اعملك إنهاردة الغدا؛ بطة محشية زبيب وبصل ورز بسمتي بالكراميل، يلا زي امي بردوا ولازم اساعدك. اتسعت عينا والدتها في دهشه وهي تقول:

نُهى انا عارفة ان اللي حسين قاله صدمك، اصرخي

عيطي متكتميش في نفسك، والحمدالله إنك كنتِ على البر، ربنا نجدك ألف حمد وشكر يارب.

ترقرقت الدموع في عينيها المتسعتين وقالت:

دي مش المرة الوحيدة اللي تامر يقتل فيها يا ماما، تامر قتلني انا كمان من يوم ما ارتبطت بيه، القتل مش دفن جثة والروح تطلع، في ناس كتير ميتة حوالينا وعايشة لسة، الموت مش أكبر خسارة، الخسارة الحقيقية ان الواحد بيجبر نفسه انه يكمل في طريق مبيحبوش علشان خايف اللي بيحبهم يسيبوه ويبعدوا عنه ساعاتها بيكون خسر نفسه ومات، عارفه يا ماما هو قتلني بطرق كتير قوي، خلاني برجع لورا مبتقدمش، ماشية زي انعكاس

الساعة في مرايا، بس خلاص فقت لنفسي و لازم امشي في الطريق اللي بحبه علشان مخسرش نفسي تاني.

استبدت بوالدتها الدهشة مما سمعت شعرت أن ابنتها كبرت عمراً فوق عمرها، وارتمت نُهى في حضنها الدافئ وهي تبكي مثل الأطفال، وتعتذر لها عن اختيارها السيء له منذ البداية.

لم يكن بينهم في الماضي تلك اللحظات والاحضان الدافئة، ولكن عندما احتضنتها نُهى الان احست والدتها ان ذلك الحضن صادق ويشع بالحب، تأكدت ان ابنتها تحبها لأنها تعلم انه لا يجوز التزيف في الحضن والا سوف يفضح صاحبه.

تأتي نشوى لزيارتها مساءً كما وعدتها في المكالمة؛ تجلس معها تواسيها، تنظر لها نُهى وهى تبتسم وتقول لها:

كنت بتحبيه من امتى يا نشوى؟؟

ما انت عارفة يا نُهى من بعد ما مريم اختفت هو اللي وقف جمبي في الفترة الصعبة.

قالتها وهي تأخذ رشفة من فنجان القهوة ولكن كانت عيناي نُهى المبتسمة مثبتة عليها؛ مما جعل القلق يتسلل الي أعماق قلبها وقالت:

نُهى في ايه يا بنتي بتبصيلي كدة ليه!

رفعت حاجبيها وقالت نُهى:

مفیش یا قلبی کنت وحشانی بقالنا کتیر مقعدناش ور غینا سوا.

ثم دعت لها ان يتم زفافها على حسين على خير حتى يعم اخيراً الفرح أيامهم القادمة.

يتفاجأ تامر بيد تُمسكه عندما كان يغلق الحفرة، لينظر خلفة فيجد ضابط وعدد من العسكر، وفي لمح البصر يتم وضع الأصفاد في يده ويوضع في السيارة وسط ذهول وصدمة تامر التي افقدته النطق.

يدخل مكتب المحقق الذي وجه اليه تهمة قتل مريم متولي صديقته البالغة من العمر عشرون عاما؛ المختفية منذ عامين والتي وجد بجوار جثتها اليوم، وتم العثور على سكين عليها آثار دماء وبصمات أصابعه في شقته التي تم اقتحامها منذ قليل بناءً على البلاغ الذي تم تقديمه منذ قليل من مجهول، أتى التقرير وأفاد بإن الجثة كانت في حالة التحلل ولكن مواصفات الملابس تنطبق على ما كانت ترتديه مريم في اخر ظهور لها ووجد الهاتف الخاص ما كانت ترتديه مريم في اخر ظهور لها ووجد الهاتف الخاص بالمجني عليها بجوار الجثة وعليها صورها مع تامر واخر رسالة قبل اختفائها وهو يقول لها ان أصرت على طلبها في اعلان الزواج سوف تندم على ما سوف يفعله بها، باشر الطبيب الشرعي الكشف على الجثة لمعرفة صاحبها ولتعليل وماهو سبب الوفاة،

كان قد تلقي الضابط مكالمة بمكان دفن فتاة ومكان أداة الجريمة فقام على الفور بالتحرك الى الشقة والمكان الذي به الجثة تزامنا معا تحرك تامر الى ذلك المكان.

لم يستطع التحدث فلقد انعقد لسانه وابتلع ريقه بصعوبة وطلب المحامي.

## القصل السادس

يجلس تامر بوضع القرفصاء في محبسه ينظر لمن حوله باشمئزاز، يحاول ان يختلى بنفسه وسط هذا الضجيج بالمحبس، فقرر ان يدفع لشخص منهم مبلغ ليس بالقليل لينعم بمكان نظيف قليلا وبعض الهدوء، ويحاول ان يتذكر أي خيط حدث منذ عامين في تلك الليلة العصيبة ليخرجه من تلك الكارثة، اعتصر رأسه بكفيه واغمض عينيه بشدة وشاهد ذلك المشهد مجددا الذي لم يغب عن مخيلته مطلقا، ولكن اليوم يحاول ان يجد أي بريق امل ينجده، فتذكر ما حدث في تلك الليلة ومر شريط قصير له مع أصدقائه امام عينيه تذكر عندما دخل الى الشقة في تلك الليلة وتفاجأ بحقيبة مريم ومتعلقاتها كيف دخلت ولما لم تقل له انها سوف تأتى، نادى عليها ان تأتي له من الداخل وتجلس معه، فتح التلفاز واكمل مكالمته الهاتفية وجلس لم يكترث لتأخرها فهو يعلمها جيدا تحب الوقوف كثيرا امام المِرآة.

لم تستمر تلك الزيجة أكثر من شهر، كانت مريم تأتيه عندما يتصل بها فكانت تهرب تارة من بيت أهلها وتارة أخرى تتحجج انها ذاهبة الى دورة تعلم اللغة الفرنسية، كانا يجتمعان دوما سرا، لم يبلغا أحدا من أصدقائهم وهذا كان رغبه منه، كانت علاقتهم صداقة عادية الى ان تطور الأمور وتزوجا عرفي بدون اعلام أحدا كان تامر يشرب المخدرات وجذبها معه؛ وكانت نُهى ونشوى وحسين يشربون معهم على فترات بعيدة، كانوا يجتمعون في تلك الشقة من أجل المتعة والبعد عن الحياة، كان تامر يفعل الكثير من الأخطاء لكنها رغم كل ما تعرفه عنه احبته وخافت ان يبحث عن

آخرى فرضخت لفكرة الزواج تلك، ولكن بعد فترة ظلت تضغط عليه لكي يتقدم اليها رسميا ولكنه كان يعنفها ويضربها ويقول لها ان ذلك كان من ضمن شروط زواجه بها، عندما يحب ان يعلن زواجه منها سوف يأتي الى منزلها ويتقدم رسميا، ولو كررت ذلك الطلب سوف يبعث فديو هاتها وصور ها معه الى أهلها، احتقرته واحتقرت نفسها ولكن لا شيء بيديها لتفعله فضلت الصمت وان تحاول معه بعد فترة بطريقة آخرى.

تذكر ما كان يفعله معها واحتقر نفسه بشدة كيف وصل به الحال الى ان يعاملها ويهددها هكذا!

انتشله صوت نداء العسكري من ذكرياته وقال له ان المحقق يريده.

"نُهى متز عليش مني، انا اسفه غلطت في حق نفسي وحق كل اللي بحبهم."

كانت تلك اخر رسالة بعثتها مريم لنُهى ليلة اختفائها وأغلق الهاتف.

قدمتها نُهى للمحقق في اليوم التالي لاختفاء مريم ظناً منها انها انتحرت، وحُفظت القضية وقتها بعد شهر لعدم العثور على أي دليل.

كانت نُهى منذ استيقاظها من الغيبوبة في صراع داخلي كانت تشعر ان شمس سمائها قد انطفئت وعم الظلام على كونها، لكنها كانت تحاول إنارة الشمس التي بداخلها بالأمل فهي تعلم إذا انطفئت تلك الشمس أيضا فستعيش في يأس واحباط دائما فعليها الآن

الآن التمسك بشمسها الجديدة، والابتعاد عن أي معوقات حتى ولو كان ذلك أقرب الأشخاص الى قلبها.

\*\*\*\*\*\*\*\*\*\*\*\*\*\*

يتم استدعاء تامر من محبسه وابلاغه ان الجثة تعود الى مريم بالفعل وان بصمات أصابعه تطابقت مع البصمات التي على السكين المستخدمة في القتل وان تلك التهمة اثبتت عليه، ظل يصرخ ويقول:

مقتلتهاش.

مقتلتهاش

هقتلها لي دي مراتي عرفي اه بس ياما قلتلها تعالى نعلن واتقدملك رسمي وهي اللي مكنتش عايزة، انا حبتها ومعرفش مين اللي

عمل فيها كدة ومصمم يوديني أنا في داهيه، صدقني يا فندم.

طيب انت كنت جنب الجثة ليه؟ وايه اللي جاب أداة الجريمة عندك في الشقة؟ وهي كان ليها أعداء مين يعني علشان يموتوها ويشيلوك الموضوع؟!

قالها المحقق و هو يخلع الساعة والنظارة ويضعهما فوق المكتب.

معرفش. معرفش يا فندم انا من يوم ما هي ماتت وانا كل يوم أسئل نفسي نفس السؤال مين المستفيد من موتها! هي كانت طيبة جدا وبتحب الناس كلها ودمها خفيف و عمر ما حد زعل

منها

قالها تامر وهو في حاله من الإنهيار التام.

ينظر له المحقق بنظرة شبيه بالاحتقار قائلا:

بس اللي لقيناه على الموبايل بتاعها يثبت عكس كل اللي قلته على على اللي قلته على علاقتكم واشهار جوازكم، على العموم احنا هنستدعي كل اصحابكم وهما هيحكولنا علاقتكم كانت اذاي اكتر؟

اتسعا عينا تامر وقال:

بلاش نُهى لو سمحت مش حابب تشوفني كده.

ضحك الضابط عالياً وقال له دون ان يرمقه بنظرة:

اخرس ياله، انت هتتشرط عليا استدعي مين، خده يا عسكري ارميه في الحجز تاني، وحاول تفتكر تفاصيل اليوم ده قبل ما تروح الشقة ولما رحت شفت مين حد شافك وانت نازل او طالع.

تطلب مقابلة المحقق وتجلس متوترة وهي تضبط حجابها، قررت ان تفعل شيء صحيح، دخلت وقالت له:

عندي دليل قوي في قضية قتل مريم.

يتم استدعاء كلا من حسين منصور ونشوى عبد المغني لسماع اقوالهم يدخل كل واحد على انفراد، وُجه لهم المحقق سؤال:

امتى اخر مرة شفتوا فيها مريم وكانت علاقتها بيكم ايه وبتامر! وكنتم فين يوم الحادثة؟؟ وفي أي حاجه غريبة

لحظتوها على مريم او تامر!

تدخل نشوى ذات العيون البنيه الواسعة والشعر البرتقالي وكانت وجنتيها مزينة بالنمش اللطيف تجلس امام المحقق وهي تبكي قائلة:

انا مش مصدقة لحد دلوقتي انها ماتت كنت كل يوم بستنى انها تتصل بيا وتقول انها عاملة فينا مقلب زي عادتها، او سافرت كام يوم وخلاص، وتامر انا اتصدمت لما عرفت انه كان متجوزها لان يعتبر أنا قريبة منه معرفش خبا عليا ازاي، وكانوا مخبيين علينا مكنش باين عليهم؛ بس كنت حاسة؛ اه حسيت كان باين عليها جدا

بس كانت بتنكر دايما لما بسألها يمكن لأنها عارفة ان نُهى بتحبه ومكنتش حابه تخسرها؛ أصلهم كانوا أصحاب جدا وكانت بتحبها قوي، بس تامر من زمان وهو عينه مش على نُهى؛ مكنتش الإستيل بتاعه، مقفله كده ومش روشة زي باقي الشلة، انا اتفاجأت جدا لما نُهى قالتلي انه عايز يخطبها.

الشك كان بيكبر كل يوم جوايا ان مريم مرتبطة بتامر، لإنها كانت بترفض كل اللي بيتقدملوها أصلها كانت جميلة جدا وكل الشباب في الجامعة كانوا هيتجننوا بس ترد عليهم الصباح.

سرحت نشوى بناظريها وهي توصف صديقتها مريم وقالت:

كانت بيضا قوي وقصيرة وشعرها؛ شعرها كان طويل وناعم كانت حلوة قوي وجسمها ملفوف، فيها مميزات كتير وأهمها انها

كانت من عيلة غنية كانت مطمع للشباب بس كان عندها عيب؛ انها كانت مغرورة، انا مش عارفه طيب تامر هيقتلها ليه! استحالة يقتلها انا واثقة في تامر انه ميعملش كدة.

ثم سألها المحقق عن مكان تواجدها يوم اختفاء مريم:

في اليوم اللي هي اختفت فيه انا ونُهى كنا مسافرين اسكندرية الفترة دي، بنروح كل فترة نغير جو في شقة نُهى هناك ومريم قالت وراها ارتباطات ومجتش معانا؛ انا قلت يمكن متخانقة مع نُهى ولا حاجة، خصوصا ان نُهى ممسكتش فيها قوي في العزومة. بس مش فاكرة حاجة غريبة حصلت بعد اختفائها أصل كلنا الفترة دي مكناش مظبوطين من قلقنا.

انا ونُهى رجعنا في نفس اليوم جري لما مامتها اتصلت تسألنا عليها وهي قلقانة وبتقول انها مرجعتش البيت وموبيلها مقفول، وحسين قال انه عمل حادثه مع باباه وهما راجعين من المطار وجالنا وراسه مربوطة تاني يوم الصبح، تامر كان مش متماسك خالص وقلقان وكانت نُهى اللي بتهديه وبتطمنه اننا هنلاقيها كانت اكتر واحدة فينا متماسكة مع انها كانت قريبه من مريم جدا انا استغربتها واستغربت تماسكها ده.

أنهت نشوى الإدلاء بأقوالها وانتظرت بالخارج.

دخل وجلس حسين صاحب البشرة والعيون السمراء وقال:

اسمي حسين منصور انا صاحبهم من سنين كتير، اغلب خروجتنا سوا وكنا بنتجمع في شقة تامر بس مش كتير،

انا عارفهم كلهم كويس ومتأكد ان تامر ميقتلش؛ هيعمل كده ليه! شخصية تامر سيكوباتيه شوية، محدش فينا كان بيقدر يفهمه، كان بيأثر علينا كلنا ويقنعنا بسهولة جدا، بس مع كل ده مش حاسس انه ممكن يعملها، هو اتغير كتير بعد اختفاء مريم بس انا قلت يمكن كان بيحبها وزعل عليها، هو كلنا اتغيرنا وأتأثرنا بغيابها، بالنسبة لمريم كانت طيبة ومتستحقش اللي حصلها للأسف.

انا كنت في المطار بجيب حد قريبي في اليوم ده، حتى معرفتش اسافر قبلها مع البنات اسكندرية علشان كدة.

يحضر تامر من محبسه تراه نشوى فترتمي في حضنه

وتبكي بشدة على حاله، لم تستطع إخفاء حبها له الذي كانت تخفيه عن الجميع في تلك اللحظة تناست وجود حسين ومن حولها تناست كل شيء الا ان قلبها تمزق برؤيته وفي يده تلك الأصفاد وهي تعلم مصيره.

تراجع تامر للوراء خطوة فأدركت ما فعلته وقالت وهي تمسح دموعها:

كلنا قلقانين عليك يا تامر انت مش عارف بنحبك قد ايه.

يطلب منه المحقق ان يحكي ما حدث وما يتذكره في ذلك اليوم وتلك الشقة بالتفصيل مرة أخرى:

ينظر تامر الى حسين ونشوى بحزن ويجلس ثم يقول انه دخل الى

الشقة وتفاجأ بمتعلقاتها فجلس في الصالة ينهي الاتصال الذي كان معه وبعد فترة دخل يبحث عنها فوجدها في غرفة النوم ولكنها كانت ممددة على الأرض وفي جسدها عدة طعنات لم يدرك نفسه وحاول افاقتها واسعافها ولكنها كانت فارقت الحياة ظل يبكي بجوارها الكثير من الوقت ولم يعرف كيف يتصرف هل يتصل بالشرطة ام أهلها ام ماذا يفعل؟

كل الأدلة الان ضده فقرر انه سوف يدفنها وينتهي الامر الي ان يعرف هل فعل بها ذلك أحد مقتحمي الشقق ام انتحرت!؟ ولكن لماذا تنتحر وهي كانت كالفراشة تحب الحياة.

ولكن كيف دخلت الشقة وليس معها مفتاح!

وأين السكين اذا لم تنتحر؟

أسئلة كثيرة طرحها تامر امام المحقق.

نظر له المحقق باحتقار و هو يعدل نظارته يقول:

محاولة كويسة للهروب من الجريمة، ورسمت كذا سيناريو كمان خيالك خصب قوي، على العموم التحقيقات لسه شغاله وحتى الان كل الأدلة ضدك.

## الفصل السابع

نظر المحقق إليهم وهو يعدل نظارته وقال:

وأنت يا استاذ حسين قلت في التحقيق انك كنت مستني حد قريبك في المطار صح!

تلجلج حسين قائلا:

ايوة يا فندم.

ولكن سرعان ما باغته المحقق قائلا:

طيب كنت قايل لصحابك انك رايح تجيب والدك من المطار ليه! قولي صحيح هو ابوك في أي بلد؟

نطقت قسمات وجهه بالإنز عاج قائلا:

مش عارف هو مش مستقر في بلد معينة كل سنة بيغير.

اعتدل المحقق في جلسته ثم ابتسم و هو يشغل سيجار ويلقي بالقداحة على المكتب:

طبعا كل سنه في بلد شكل، مش مريح نفسه.

يا حسين انا بوجهلك تهمة قتل مريم.

ارتسم على وجه حسين الفزع والصدمة وبدأ يتصبب عرقا.

أكمل المحقق وقال عندي سببين:

أول سبب ان في رسالة في اليوم اللي اختفت فيه مريم مبعوتة ليها من موبايلك بتقولها تامر تعبان قوي فلشقة وبيقولك روحيله بسرعة هو سيبلك الباب مفتوح علشان مش هيقدر يقوم ولا يردعلى موبايله.

تاني سبب ان حضرتك والدك موصلش المطار في اليوم ده زي ما قلت لصحابك و لا عملت حادثة، الخبطة اللي كانت في راسك دي لما قتلت مريم مش كدة و هي شكلها خبطتك و هي بتقاومك أكيد!

لأن لقينا آثار دم على لبسها طلعت مش لتامر، وانت اكيد مأخدتش بالك من الدم لما هربت وسبتها، هنعملك تحليل ونطابقها وحضرتك هتشرف معانا في الحبس على منشوف في تطابق و لا ايه.

اه صحيح انت عارف يا حسين طبعا انك مكنتش في المطار و لا حد من قرايبك وصل من السفر و لا حتي زي ما قلت لصحابك هتجيب والدك لانه مش مسافر، ومرمي في سجن طرة بقاله أكتر من 5 سنين.

نظر حسين الى تامر وصاح وفجر كل ما بداخله من ألم وغيظ وقال:

هو السبب هو اللي خلاني اعمل كدة انا كنت بحب مريم جدا وحاولت اتقرب منها كذا مرة وحسيت ان في حاجة بينهم راقبتهم وعرفت انها بتروح عنده الشقة وعملت كوبي مرة للمفاتيح من غير ما تامر يحس هو كان اغلب وقته دماغه ضايعة من اللي بيشربه، كان بياخد كل حاجه نفسي فيها حتى نشوى خطيبتي اللي

المفروض تبقى مراتي بتحبه وانا عارف وساكت وهو كان بيشاغِلها وهي مخطوبة وهو على وش جواز مكنش سايب حد في حاله، حتى نُهى لمحتله من فترة اني بفكر ارتبط بيها في أقل من أسبوع كان خطبها.

أه انا بعت لمريم رسالة وجت جري زي العبيطة تعيط على البيه لكن اتفاجأت بيا في الصالة.

قتلتها علشان فضلته عليا وعيرتني اني اقل منه في كل حاجة نرفزتني قالت كلام جارح كتير طلعتني عن شعوري، محستش غير وانا بمسك السكينة وبضربها من غيظي منها ومن تامر ومن غضبي فضلت اضرب اضرب لحد ما بدأت افوق وأحس بنفسي اتخضيت من المنظر اخدت السكينة ومسحت الرسالة اللي بعتهالها

من على موبايلها وهربت وفضلت جنب العمارة اشوف تامر هيعمل ايه لما يلاقيها نزل بليل متأخر لفها بسجادة وراح على مكان مهجور ودفنها وفضل يعيط، وانا من بعيد بعيط، مكنش قصدي اقتلها هي اللي قللت مني من ساعة لما دخلت شقة تامر وشافتني وهي بتقولي انت جاي تنضف بقا ولا تعملنا الاكل، كنت بروحلها كل جمعة المكان اللي دفنها فيه واقعد جمبها واعيط.

سامحيني مكنش قصدي؛ سامحيني يا مريم سامحيني.

نظرات تامر ونشوى له كانت مليئة بالغضب لم يتمالك تامر نفسه فوجه اليه لكمه في وجهه تسببت له جرح في الشفة ونزيف من

الأنف امسك به العسكري وابعده عنه وقال له تامر:

طبعا انت اللي سرقت موبايل مريم من الشقة عندي وحطيت السكينة وكنت بتبعتلي الرسائل ودفنت الموبايل وبلغت البوليس مش محتاجة توضيح، بس جبت بصماتي اذاي على السكينة اللي عليها اثار الدم.

نظر له حسین باستهجان وقال:

انا كنت رايح الشقة ليلة الحنة احط السكينة وادور على الموبايل علشان اتصل بيك ومخليش الفرح يكمل، اعكنن عليك زي ما عيشتني في أيام كلها قرف وعكننه من معاملتك ليا أكني خدام،

كنت الوحيد اللي عارف سر ابويا وذاللني وممرمطني ولما بعترض تقولى هقول للبنات على ابوك، بس انت مقلتليش انك هتروح الشقة فليوم ده تحط لبسك وتشربلك سجارة من ايهاهم فاجأتنى، فاستخبيت لحد ملقيت فرصة وخبطك على دماغك طلعت كل غل السنين بس مكنتش عايزك تموت بالساهل كده، علشان كنت برتبلك حوار مريم علشان تتفضح وتتعذب وفي الاخر بقا تبقى تتعدم، اخدت موبايل مريم وكان معايا السكينة وحطيت ايدك عليها وضغط جامد علشان بصماتك تبقى عليها وخبتها فلشقة ومشيت، وطبعا فضلت ادور عليك تانى يوم معاهم، لما قالولى انك يا حرام مختفي ونُهي هتتجنن، ومن خوفها وقلقها دخلت في غيبوبة، انا مش عارف انت بتسحرهم ولا بيحبوا فيك ايه ده انت شمام وبتاع بنات وفيك العبر.

وقفت نشوى امامه مباشرة تطالعه بعيون باكية، قالت بغضب:
انت ازاي كده ازاي كلنا اتخدعنا فيك، انت قاتل وفيك العبر انت
أبشع من تامر على فكرة وانت مش واخد بالك على الأقل تامر
واضح للكل، مش بوشيين الحمدلله إني متجوزتكش، ثم بصقت على
وجه ووقفت بعيد بجوار تامر.

نظر لها حسين وضحك بسخرية وقال لها:

انتِ متفرقیش عنی کتیر علی فکرة انتِ بکذا وش وبتمثلی علی الکل، مش نُهی و مریم دول اللی مکنتیش بتطیقیهم و کنتی عاملة نفسك صحبتهم و بتحبیهم، مش مریم دی اللی فرحتی انها اختفت من وسطینا علشان یحلالك الجو و تامر یبصلك، و اتصدمتی لما عرفتی انه خطب نُهی و قلتیلی یالا نتخطب احنا کمان و اعترفتیلی

بحبك اللي حسيتي بيه فجأة في يوم وليلة، كنتي فكراني مش فاهم، مش نُهى دي اللي كنتي بتحطلها حبوب هلوسة في أي مشروب وقطعتي الكهربا ليلة فرحها على البيت علشان تزودي نرفزتها وتعكنني عليها أكتر وأكتر، بس انا كنت عارف حقيقتك من زمان انك مبتحبيش غير نفسك، على فكرة انتِ وتامر ليقين قوي على بعض.

أمرنا نحن النائب العام بحبس المتهم حسين منصور بعد اعترافه بقتل المجني عليها مريم والإفراج عن تامر متولي.

كانت نُهى سعيدة بما فعلته عندما ذهب وأدلت بأقوالها امام المحقق وعرضت الأدلة، فعندما علمت ان السر يكمن في حسين قامت

نُهى بعد القبض على تامر بالتحري واتصلت بأصدقاء والدتها في مطار القاهرة وطلبت ان يبحثوا لها عن اسم والد حسين في أسماء القادمين في تلك الليلة ولم تجد اسم والده فبدأ الشك أكثر وعندما سنحت لها الفرصة ان تمسك هاتفه عندما أتى اليها ليبلغها بتهمة تامر بعثت لنشوى رسالة ان تتصل بها على هاتف حسين لان هاتفها به مشكلة، واخذت الهاتف تحدث نشوى على انفراد وأوصلت برنامج الواتس اب على جهاز الاب توب الخاص بها وأعلقت مع نشوى وجلست تستمع اليه ثم شاهدت الرسائل وتأكدت من شكوكها نحوه.

قررت نُهى ان تأخذ والدتها وتسافر الي الإسكندرية ولكن تلك المرة سوف ينقلون حياتهم هناك بعيد عن ضجيج القلب وزحام الذكريات المريرة.

لا تريد تذكر نشوى و لا تامر، تريد فقط والدتها وروكي،

لم يجرأ كلاً من تامر ونشوى على الاتصال بها او مقابلتها بعد ما حدث و علمته عنهم.

دخلت تودع غرفتها ووقفت امام المِرآة وقالت:

تقدري تستريحي دلوقتي، الحمدلله ظهرت الحقيقة والمجرم اخد جزائه، وأخدت أصح قرار في حياتي اني ابعد عن تامر اللي اذاني كتير ونشوى اللي كنت فكرها صحبتي وكانت بتدمرني، وافوق من اللي كنت بشربه واهتم بنفسي لنفسي ولامي، بس أفضل حاجة عملتهالي نشوى هي حبوب الهلوسة، كانت فاكرة انها بتضرني متعرفش انها كدة خدمتني، كنت وحشاني قوي وواحشني خوفك عليا اللي نجاني من الطريق اللي كنت فيه، وخلاني اعرف اخد حقك، عكستيلي في المراية حقيقتهم وخلتيني اشوف عيوبهم اللي

كنت عاملة نفسي مش شيفاها علشان مش قادرة اخد قرار البعد عن تامر، وشوفت نشوى بعيون عقلي ووازنت تصرفاتها، خلتيني اواجه نفسي بأخطائي، والاهم كشفتيلي حسين لما عرفتيني ان الحل في موبايله، نورتيلي طريقي المظلم.

حسين هو اللي قتلك اه، بس تامر قتلك قبله وقتلني انا كمان، متز عليش مني اني اتخضيت وخفت لما شفتك اول مرة يوم فرحي بس اجمل حاجة حصلتلي انك مسبتنيش لحظة وانا في الغيبوبة حطتيني على الطريق الصح، هتوحشيني كنت اتمني افضل أشوفك بس ماما من وقت لما عرفت ان نشوى بدلت برشام الصداع بالهلوسة وهي منعتني من أي علاج وانا ما صدقت علاقتي بقت بيها كويسة ومش عايزة از علها.

تجعد جبينها ووضعت يدها على قلبها وقالت بحزن: مع السلامة يا مريم هفتقدك جدا.

حزمت امتعتها وسافرت مع والداتها واقاموا في شقة الإسكندرية. استيقظت من النوم واعتدلت في جلستها، وهي تبتسم بعدما قررت أن تبدأ بداية جديدة لحياة أفضل واخذت تتأمل البحر الواضح من شرفتها والهواء يداعب خصلاتها أمسكت ورقة وقلم وجلست أمام البحر في الشرفة وكتبت:

نعم ان الانسان يموت و هو حي ببطء عندما يجبر نفسه على السير في طريق لا يحبه إرضاء لمن يحب، فيُسجل حينها في السجلات ميت على قيد الحياة.

نادت عليها والدتها من الداخل لتدخل لتتناول الفطور.

ومرت امام المِرآة فنظرت اليها وابتسمت ابتسامة كبيرة، ثم خرجت من الغرفة تاركة روكي ينبح بجوارها.

تــمــت ولله الحمد...

إيمان عبالله